



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imago saeculi XVII. ad annum huius saeculi X. producta

Neuhusii Paderbornae, 1710

Annus 1679.

urn:nbn:de:hbz:466:1-29436

IN Anglia gravissima persecutione concussa est res Catholica. Author fuit Titus Oates Calvinistarum ad Catholicos, & ab istis ad primæ hæresis sectatores transfuga, homo faver & perfidus, qui fictis litteris, & repetitis perjuriis proditionis & conjurationis adversus Regem & regnum reos egit, præter præcipua ferè omnia orbis orthodoxi capita, sacerdotes & nobiles Catholicos in Anglia. Unde sub larva justitiæ decreto plebei Ordinis Parlamenti Catholici pluri- mi ex regno exulare jussi, alii in carceres conjecti, & fame enecti; Religiosi etiam non pauci supplicio ultimo affecti, inter quos fuerunt octo sacerdotes ex Soc. Jesu, quibus furor impius odio fidei vitã abstulit.

Initio Februarii constituitur pax Neomagiensis inter Cæsarem & Imperium ex una, Gallia item & Suecia coronas ex parte altera, vi cujus relictum Friburgum Gallo, Pomerania restituta Sueco.

Rebelles Ungari neglectis induciis rursus ad arma & solitas direptiones convolant, novis Teckelii suggestionibus, & Abassy Transylvanorum Principis auxiliis erecti; repressi tamen nonnihil tum à Lesleo Duce
copia-

copiarum Cæsaris, tum à lue pestifera, quæ per ditiones Cæsaris hæreditarias, aliasque nonnullas provincias Germaniæ crudeliter hoc anno grassata fuit.

Pax Hispano-Gallica confirmatur per connubium Regis Catholici cum Maria Aloysia Philippi Aurelianensium Ducis Filia, quæ ingenti pompa & magnificentia ex Gallia in Hispaniam deducta fuit. Ibidem facto decessit Joannes Austriacus non sine suspitione veneni, quod illi propinatum nonnulli crediderunt ab invidia quorundam Magnatum, quorum oculos livore fortè suffudit nimia Joannis authoritas.

ANNUS 1680.

Sub initium hujus anni Augustæ Vindelicorum piè fatis decessit Joannes Fridericus Dux Hañoveranus familiæ Brunswico-Luneburgensis, contra gentis institutū religioni Catholicæ addictus.

In grassantes iterum more suo rapinis, cædibus, & incendiis rebelles Hungaros, vario Marte & armorum eventu pugnatum à Comite Caprara Duce Cæsarearum Copierum.

Delphino Galliarum nubit Maria Anna Christina Bavara pridie nonas Martii in